



Broj: 15-03-16-5-673/16

Datum: 8.7.2016. godine

Na osnovu člana 61. Zakona o upravi (Službeni glasnik BiH broj 32/02), člana 19. Zakona o Agenciji za identifikaciona dokumenta, evidenciju i razmjenu podataka BiH (Službeni glasnik BiH broj 56/08), člana 69. stav 2. tačka d) i člana 70. Zakona o javnim nabavkama BiH (Službeni glasnik BiH broj 39/14), direktor Agencije donosi slijedeću:

ODLUKU o poništenju postupka nabavke

I

Poništava se postupak javne nabavke kanalne klime u Sarajevu objavljen na web portalu Agencije za javne nabavke BiH, broj obavještenja: 1110-1-1-28-3-26/16 od 26.04.2016. godine, koji je proveden u skladu sa procedurom otvorenog postupka.

II

Ova odluka će se dostaviti ponuđačima u roku od 3 (tri) dana, a najkasnije u roku od 7 (sedam) dana od dana donošenja.

III

Ova odluka stupa na snagu danom donošenja.

O b r a z l o ž e n j e

Na osnovu provedenog postupka nabavke, Komisija za nabavke je konstatovala da je rok za dostavu ponuda 25.05.2016. godine do 10:00 sati, te da su do navedenog roka na protokol Agencije za identifikaciona dokumenta, evidenciju i razmjenu podataka Bosne i Hercegovine (u daljem tekstu: Agencija) pristigle 3 ponude i to ponuđača: E+E+ENERGY d.o.o. Sarajevo, ROYAL-COMPANY d.o.o. Bijeljina i TERMMOS&TOP FRIGO d.o.o. Mostar. Neblagovremenih ponuda nije bilo.

Komisija je predložila donošenje odluke o poništenju postupka nabavke, u skladu sa članom 69. stav 2. tačka d) Zakona o javnim nabavkama BiH, iz razloga što

nijedna od primljenih ponuda nije prihvatljiva, odnosno sve dostavljene ponude su ocijenjene kao nekvalifikovane nakon izvršene provjere kvalifikacije ponuđača prema uslovima učešća u tenderskoj dokumentaciji.


Dostavljene ponude nisu prihvatljive iz slijedećih razloga:

- napajanje unutrašnje jedinice (INDOOR) kod modela klime koji je predmetom ponude ponuđača E+E+E+ENERGY doo Sarajevo je po tri faze, a traženo je po jednoj fazi. Zatim, u ponudi nije vidljiv opseg rada klime pri vanjskim temperaturama, koji je tražen u rasponu od -15° do +43°;
- u ponudi ponuđača ROYAL-COMPANY d.o.o. Bijeljina, dimenzije unutrašnje jedinice ponuđenog klima uređaja odstupaju od zahtjeva iz tenderske dokumentacije, odnosno veće su. Zatim, nije dostavljena specifikacija za traženi žičani kontroler (upravljač);
- u ponudi ponuđača TERMMOS&TOP FRIGO doo Mostar, nisu dostavljene karakteristike za traženi žičani kontroler (upravljač), niti je isti ponuđen. Zatim, nedostaje u ponudi energetska klasa hlađenja i grijanja ponuđenog klima uređaja, potom, faktor snage klime nije vidljiv iz dostavljene specifikacije ponuđenog uređaja, a i dimenzije unutrašnje jedinice ponuđenog klima uređaja odstupaju od zahtjeva iz tenderske dokumentacije, odnosno veće su.

Komisija je prema specifikaciji navedenoj u tenderskoj dokumentaciji, provedenom postupku analize i ocjene ponuda izradila Zapisnik o ocjeni ponuda, u kojem su detaljno obrazloženi razlozi za poništenje postupka nabavke.

Na osnovu prijedloga Komisije, odlučeno je kao u dispozitivu ove odluke.

Pouka o pravnom lijeku: Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koje se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje u roku od 10 (deset) dana od dana prijema ove odluke. Žalilac izjavljuje žalbu Uredu za razmatranje žalbi Bosne i Hercegovine putem ugovornog organa, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri.

X 

DIREKTOR

Edim Nesimi

дигитално потписано / digitalno potpisano / digitally signed
Signed by: ENESIMI